

## **BASES PARA A SELECCIÓN DUN COORDINADOR TÉCNICO SOCORRISMO EN PRAIAS DO CONCELLO DE O GROVE PARA O ANO 2017**

### **PRIMEIRA. OBXECTO DA CONVOCATORIA**

O obxecto da convocatoria é a selección e contratación laboral temporal dun **COORDINADOR TÉCNICO SOCORRISMO** en réxime contractual de laboral temporal, durante un período de 4 meses.

A modalidade contractual será a dun contrato de duración determinada a xornada completa para un servizo determinado, para exercer as funcións de coordinador técnico entre o Concello do Grove e os socorristas e sanitarios que se contraten na tempada do verán 2017. Ademais das funcións de coordinación, exercerá funcións de socorrista e sanitario.

### **SEGUNDA. CONDICIÓNS DOS ASPIRANTES**

- a) Ter a nacionalidade do Estado español ou a dalgún dos estados membros da Unión Europea (UE), ou dalgún daqueles estados os que en virtude dos tratados internacionais celebrados por a UE e ratificados por España sexa aplicación a libre circulación de traballadores. Tamén poderán participar o cónxuxe dos españois e dos nacionais doutros estados membros da Unión Europea, sempre que non estean separados de dereito, menores de vinte e un ou maiores da dita idade que vivan ás súas expensas, de acordo co establecido nos artigos 2 e 4 do RD 178/2003, de 14 de febreiro.
- b) Ter 18 anos e non exceder da idade de xubilación forzosa.
- c) Estar en posesión do graduado escolar ou superior e Celga 3.
- d) Non ter sido separado mediante expediente disciplinario do servizo de calquera das administracións públicas nin estar inhabilitado para o exercicio das funcións públicas.
- e) Estar en posesión do título de socorrista acuático en espazos naturais.
- f) Dispor do carné de conducir B en vigor.

Todos os requisitos anteriores deberán posuírse no intre da presentación das instancias e gozar deles durante o procedemento de selección, así como en cada suposto en que os/as seleccionados/as sexan requiridos/as para prestar os seus servizos neste concello.

### **TERCEIRA. PRESENTACIÓN DE INSTANCIAS**

As instancias para solicitar tomar parte do proceso selectivo, no que os/as aspirantes deberán manifestar todas e cada unha das condicións esixidas para tomar parte da convocatoria (xuntase modelo de instancia), dirixiranse ao Sr. alcalde do Concello do Grove e presentaranse no Rexistro Xeral do Concello, durante o prazo de 5 días naturais desde a publicación do correspondente anuncio nun dos periódicos de maior circulación da provincia.

Xuntarase coa instancia a seguinte documentación: fotocopia do DNI, currículo extenso e detallado, e dos documentos fotocopias cotexadas, que acrediten os méritos que aleguen e teñan que ser valorados pola Comisión Cualificadora.

Os/as aspirantes que non reúnan os requisitos esixidos na convocatoria quedarán automaticamente excluídos/as desta.

#### ALEGACIÓN E XUSTIFICACIÓN DE MÉRITOS:

En ningún caso poderán ser valorados aqueles méritos que non fosen xustificados debidamente no momento de finalizar o prazo de presentación de instancias nin aqueles documentos que non conteñan os datos que, segundo as presentes bases, sexan necesarios para valorar os méritos a que se refiren.

#### **CUARTA: RETRIBUCIÓN**

Serán de 1400 € brutos mensuais, por todos os conceptos incluída a parte proporcional das pagas extraordinarias.

#### **QUINTA. ADMISIÓN DOS ASPIRANTES**

Expirado o prazo de presentación de instancias, a Presidencia ditará unha resolución no prazo máximo de tres días aprobando a lista provisional de aspirantes admitidos e excluídos, con indicación das causas de exclusión e nomeamento do Comisión Cualificadora.

#### **SEXTA. PROCESO DE SELECCIÓN DOS ASPIRANTES**

Realizarase mediante o sistema do concurso e oposición.

#### **FASE DE CONCURSO**

O tribunal examinará e cualificará nesta fase os méritos dos aspirantes, de acordo cos documentos e xustificantes que presenten xunto as súas instancias e conforme o baremo de méritos que figura no anexo I destas bases. Todos os méritos deberán ser debidamente acreditados mediante procedemento que garanta a súa veracidade.

Para a valoración dos cursos deberán xustificarse adecuadamente. A puntuación máxima nesta fase será de 0 a 10 puntos.

#### **FASE DE OPOSICIÓN**

**PROBA ESCRITA:** Consistirá nunha proba escrita a determinar polo tribunal sobre unha memoria de actividades para levar a cabo en praias. Valorarase cun máximo de 2 puntos.

**PROBA PRÁCTICA:** Os aspirantes, serán citados nunha praia do concello para realizar a seguinte proba: correr 200 metros na praia, entrar no mar e nadar uns 100 metros ata o punto sinalado polo tribunal e volver ata terra noutro punto sinalado polo tribunal.

A puntuación máxima será sobre 10 puntos, e será necesario obter un mínimo de 5 puntos para entender superada a proba.

O tribunal antes do comezo do exercicio estipulará os tempos requiridos, tempo máximo establecido en función das circunstancias meteorolóxicas aplicando as puntuacións da proba para mulleres e homes.

A puntuación dependerá do tempo mínimo establecido en función das circunstancias meteorolóxicas, aplicando as puntuacións proporcionalmente aos tempos obtidos tomando como referencia o do aspirantes que obtivese o mellor tempo, aplicando as puntuacións da proba para mulleres e homes.

O aspirante que faga o exercicio no menor tempo terá unha puntuación de 10 puntos, e aos seguintes descontaráselles un 20 por cento de puntos por cada 5 segundos de diferenza de tempo co primeiro.

#### **SÉTIMA. CELEBRACIÓN DAS PRBAS SELECTIVAS**

A valoración dos méritos, a proba escrita e práctica, realizaranse na data que determine a Presidencia, publicándose o anuncio correspondente no Taboleiro de Anuncios do Concello, así como na páxina web.

#### **OITAVA. CUALIFICACIÓN.**

Rematada a cualificación dos aspirantes, o tribunal publicará o aspirante proposto por ter a maior puntuación, sumando as dúas fases de concurso e oposición, e elevarase a Alcaldía para que emita resolución do nomeamento pertinente, tendo en conta que sobre a puntuación total a fase de concurso suporá o 40% e a fase de oposición un 60%.

#### **NOVENA. TRIBUNAL CUALIFICADOR**

A determinar pola Alcaldía-Presidencia, de acordo co previsto na Lei 2/2015, do 29 de abril, do emprego público de Galicia.

#### **DÉCIMA. INCIDENCIAS**

O tribunal queda autorizado para resolver as dúbidas que se presenten e tomar os acordos necesarios para a boa orde do proceso selectivo en todo o previsto nestas bases.

O Grove, 20 de marzo de 2017

O alcalde,

José A. Cacabelos Rico

## ANEXO I

### BAREMO DE VALORACIÓN DOS MÉRITOS

a) Por ter desempeñado funcións das mesmas características que as do obxecto da presente convocatoria: 0,50 puntos por mes, ata un máximo de **3 puntos**.

b) Por asistencia a cursos sobre materias relacionadas co posto de traballo obxecto da convocatoria:

- Cursos de menos de 20 horas :.....0,25 puntos/curso
- Cursos de 20 a 40 horas :.....0,50 puntos/curso
- Cursos de máis de 40 horas :.....0,75 puntos / curso

Ata un máximo de **2 puntos**.

c) Cursos de patrón de embarcacións:

- PNB.....0,25 puntos
- PER:.....0,50 puntos
- SUPERIOR: ..... 1,25 puntos

Ata un máximo de **2 puntos**.

d) Por cada mes de contrato laboral como socorrista acuático: 0,5 puntos, ata un máximo de **3 puntos**.

## COORDINADOR TÉCNICO SOCORRISMO 2017

### MODELO DE INSTANCIA

D/Dña. \_\_\_\_\_, provisto do DNI  
\_\_\_\_\_, veciño/a da  
rúa/avda. \_\_\_\_\_, do termo municipal de  
\_\_\_\_\_, teléfono \_\_\_\_\_, correo  
electrónico \_\_\_\_\_.

EXPOÑO:

Que informado/a da convocatoria para a contratación laboral temporal dun **coordinador/a técnico/a socorrismo de praias** e cumprindo con todos os requisitos sinalados na base 2.ª da convocatoria,

SOLICITO:

Ser admitido/a no proceso selectivo.

O Grove, \_\_\_\_\_ de \_\_\_\_\_ de 2017

\_\_\_\_\_  
(Sinatura)

DECLARO BAIXO XURAMENTO:

Non ter sido separado mediante expediente disciplinario, do servizo de calquera das administracións públicas nin estar inhabilitado/a para o exercicio das funcións públicas.

O Grove, \_\_\_\_\_ de \_\_\_\_\_ de 2017

\_\_\_\_\_  
(Sinatura)

XÚNTASE: currículo, fotocopia do DNI, do graduado escolar, ESO ou superior, Celga 3, carné de conducir clase B, e do título de socorrista acuático, debidamente cotexados e demais que acrediten os méritos que aleguen e teñan que ser valorados pola Comisión Cualificadora.

ALCALDE-PRESIDENTE DO CONCELLO DO GROVE